



**TENAGA
NASIONAL BERHAD**
(200909-W)

Utusan
Malaysia

TARIKH	29/10/2013	MUKASURAT	18
HARI	SEKERA	RUANGAN	BISNES

Saham TNB kekal positif

KUALA LUMPUR 28 Okt. - RHB Research masih yakin terhadap kedudukan saham Tenaga Nasional Bhd. (TNB), meskipun kerajaan tidak mengumumkan pelarasan harga bahan api semasa pembentangan Bajet 2014, pada Jumaat lalu.

Menurut nota penyelidikannya, dipercayai selepas ini kerajaan akan meneruskan langkah rasionalisasi subsidi terhadap bahan api termasuk gas asli yang digunakan oleh TNB untuk menghasilkan tenaga elektrik.

Jelasnya, berdasarkan kandungan pembentangan Bajet 2014, kerajaan akan meneruskan usaha mengurangkan beberapa tanggungan bagi mengawal kedudukan kewangan negara.

Dengan itu, mekanisme Fuel-Cost Past Through (FCPT), yang membolehkan TNB menyalurkan secara terus sebarang kenaikan kos bahan api kepada pengguna, dijangka akan dipraktikkan jika mendapat persetujuan kerajaan. Keadaan itu menyumbang ke arah pelarasan tarif elektrik.

Menurut syarikat penyelidikan pasa-

ran itu, sebanyak RM10 bilion hingga RM12 bilion digunakan setahun untuk menyediakan subsidi ke atas gas asli, iaitu yang kedua terbesar selepas tanggungan subsidi ke atas petrol dan diesel iaitu sebanyak RM25 bilion setahun.

"Tanggungan itu tidak boleh diabaikan, berdasarkan harga pasaran semasa, subsidi ke atas gas asli itu berkemungkinan meningkat sebanyak RM16 bilion atau

RM17 bilion setahun.

Pemberian subsidi ke atas gas asli menyebabkan harganya di pasaran tempatan 75 peratus lebih murah berbanding harga pasaran sebenar.

RHB Research kekal menyarankan pembelian saham TNB pada harga RM10.13 sesaham.

Sebelum menjelang pembentangan bajet minggu lalu, saham TNB dilihat aktif memandangkan para pelabur menjangka syarikat utiliti itu bakal mendapat faedah jika kerajaan mengumumkan program rasionalisasi subsidi.



**TENAGA
NASIONAL BERHAD**